

**Broj: 01/1-___/20
Kakanj, ____ . ____ .2020. godine**

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06, 51/09), člana 24. Statuta Općine Kakanj („Službene novine Općine Kakanj“, broj: 4/08) i Odluke o odobravanju podsticajnih sredstava fizičkim i pravnim licima registrovanim na području općine Kakanj čije je poslovanje obustavljeno zbog trenutne epidemološke situacije, broj: _____ predsjedništvo Vijeće na ____ . sjednici, održanoj dana __.__.2020. godine, donijelo je

ODLUKU

o mjerama i kriterijima za dodjelu podsticajnih sredstava fizičkim i pravnim licima čije je poslovanje obustavljeno zbog epidemiološke situacije izazvane pojavom virusa COVID-19

OPĆE ODREDBE

Član 1.

Ovom Odlukom utvrđuju se mjere, kriteriji i način realizacije podsticajnih sredstava fizičkim i pravnim licima čije je poslovanje obustavljeno zbog epidemološke situacije izazvane pojavom virusa COVID-19.

Član 2.

Sredstva za realizaciju ove Odluke opredjeljena su u Budžetu Općine Kakanj za 2020. godinu, pozicija „Subvencije za poticaj razvoja poduzetništva i obrta“, ekonomski kod 614500.

Član 3.

Korisnici sredstava su pravna i fizička lica do 10 zaposlenih koja djelatnost obavljaju na području općine Kakanj i koja su registrovana i imaju sjedište na području općine Kakanj a čije je poslovanje obustavljeno zbog epidemiološke situacije izazvane pojavom virusa COVID-19 naredbama Federalnog štaba civilne zaštite. Pravo na korištenje poticaja imaju pravna i fizička lica koja nisu raskinuli ugovor o radu sa uposlenicima u periodu od 29.02.2020.godine da 31.03.2020.godine (raskidom ugovora neće se smatrati ako je uposleniku istekao ugovor o radu zbog isteka vremena na koji je zaključen, ako je uposlenik podnio zahtjev za raskid ugovora te ako su se ispunili uslovi za penziju).

Član 4.

Broj korisnika utvrđuje se na osnovu broja prijava na javni poziv.

CILJ I PEROD REALIZACIJE

Član 5.

Cilj realizacije podsticaja je očuvanje radnih mjesta fizičkim i pravnim licima iz člana 3. ove Odluke.

Član 6.

Period realizacije podsticaja je 30 dana od dana donošenja Odluke a odnosi se na podsticaj za mjesec mart i april 2020. godine.

MJERE I NAMJENA PODSTICAJNIH SREDSTAVA

Član 7.

Namjena podsticajnih sredstava odnosi se na:

- a) sufinansiranje dijela obaveznih doprinosa na minimalnu platu za mjesec mart i to 50% obaveznih poreza i doprinosa na minimalnu platu za svakog uposlenog a što iznosi 130,00KM po uposlenom, uz uslov da za period za koji se dodjeljuju sredstva nisu korisnici općinskog podsticaja po programu „Pokreni svoj posao u Kaknju“
- b) sufinansiranje režijskih troškova (struja, voda, grijanje, odvoz otpada) i to :
 - 50% režijskih troškova a maksimalno 100,00 KM za mart 2020 godine.
 - 100% režijskih troškova a maksimalno 200,00 KM za april 2020 godine.

POSTUPAK REALIZACIJE PODSTICAJA

Član 8.

Podsticajna sredstva dodjeljuju se na osnovu Javnog poziva kojeg raspisuje Općina Kakanj. Javni poziv će biti objavljen na službenoj stranici Općine Kakanj, oglasnoj ploči i na lokalnim medijima.

Član 9.

Zainteresovani prijavom na Javni poziv dostavljaju sljedeću dokumentaciju:

- rješenje o registraciji izdato od nadležne institucije (kopija);
- obavještenje o razvrstavanju djelatnosti prema Klasifikaciji djelatnosti (kopija);
- izjava poslovnog subjekta o broju zaposlenih na dan obustave rada i broju zaposlenih na dan 31.03.2020.godine;
- dokaz o otvorenom bankovnom računu poslovnog subjekta (kopija ugovora ili drugog dokumenta iz kojeg se vidi broj transakcijskog računa);
- kopije računa režijskih troškova (struja, voda, grijanje, odvoz otpada);

Član 10.

Zahtjevi za odobravanje podsticajnih sredstava podnose se Službi za privredu, urbanizam i zaštitu okoline Općine Kakanj putem prijemne kancelarije Općine Kakanj.

Član 11.

Korisnici sredstava iz člana 3. ove Odluke moraju imati izmirene obavezne poreze i doprinose za uposlenike shodno važećim zakonskim propisima, zaključno sa 31.01.2020. godine. Općina Kakanj zadržava pravo da po službenoj dužnosti pribavi uvjerenje o izmirenim obavezama.

KRITERIJI ZA DODJELU PODSTICAJA

Član 11.

Kriteriji za dodjelu podsticajnih sredstava:

- obavljanje djelatnosti na području općine Kakanj;
- sjedište i registracija na području općine Kakanj;
- djelatnost obuhvaćena Naredbom Federalnog štaba civilne zaštite o obustavljanju rada;
- broj zaposlenih;

ZAVRŠNE ODREDBE

Član 12.

Općina Kakanj - Služba za privredu, urbanizam i zaštitu okoline će provoditi monitoring namjenskog utroška sredstava.

Ukoliko se utvrdi nenamjenski utrošak podsticajnih sredstava, korisnik će biti obavezan izvršiti povrat isplaćenih podsticajnih sredstava.

Član 13.

Ova Odluka stupa na snagu danom donošenja, a objavit će se u „Službenim novinama Općine Kakanj.

**PREDSJEDAVAJUĆI
PREDSJEDNIŠTVA VIJEĆA**

Slaven Katičić

O B R A Z L O Ž E N J E

Pravni osnov Pravni osnov za donošenje Odluke temelji se na odredbama člana 13. Zakona o principima lokalne samouprave u Federaciji Bosne i Hercegovine („Službene novine FBiH“, 49/06 i 51/09) i člana 24. Statuta Općine Kakanj („Službene novine Općine Kakanj“, broj 4/08)

Razlozi za donošenje:

Obzirom na trenutnu epidemiološku situaciju, u proteklom periodu Federalna vlada donijela je Odluku o proglašenju stanja nesreće uzrokovane pojavom koronavirusa (COVID-19) na području Federacije BiH. Također je Naredbama Federalnog štaba civilne zaštite obustavljen rad u određenim djelatnostima čime su direktno ugrožena mnoga radna mjesta.

U cilju smanjenja posljedica izazvanih pojavom koronavirusa, te očuvanja radnih mjesta fizičkim i pravnim licima čije je poslovanje obustavljeno radno predsjedništvo Vijeća je uslovalo Odluku o odobravanju podsticajnih sredstava fizičkim i pravnim licima registrovanim na području općine Kakanj čije je poslovanje obustavljeno zbog trenutne epidemiološke situacije. Članom 2. navedene Odluke definisano je da će Općinski načelnik imenovati Komsiju koja će izraditi i predsjedništvu Vijeća dostaviti na razmatranje i usvajanja Odluku o mjerama i kriterijima za dodjelu podsticajnih sredstava fizičkim i pravnim licima čije je poslovanje obustavljeno zbog epidemiološke situacije izazvane pojavom virusa COVID-19. Stoga je Rješenjem Općinskog načelnika imenovana Komisija.

Na osnovu zaključaka sa sastanaka i prijedloga članova Komisije, a na bazi prikupljenih podataka Službe za privredu, urbanizam i zaštitu okoline o broj fizičkih i pravnih lica koja svoju djelatnost obavljaju na području općine Kakanj (obuhvaćenim Naredbama o obustavi rada), te broja zaposlenih sačinjen je Prijedlog Odluke o o mjerama i kriterijima za dodjelu podsticajnih sredstava fizičkim i pravnim licima čije je poslovanje obustavljeno zbog epidemiološke situacije izazvane pojavom virusa COVID-19 koja se dostavlja Općinskom vijeću na razmatranje i usvajanje.

O B R A Ā I V A Ć:
Komisija

P R E D L A G A Ć:
Općinski načelnik
Aldin Šljivo